



PRIVREDNA/GOSPODARSKA KOMORA FEDRACIJE BIH (P/G K FBiH)

n/r Potpredsjednika, g-din Mirsad Jašarspahić

PREDMET: Poziv za partnerstvo na konferenciji – „GLOBAL BUSINESS EXECUTIVE RETREAT 2021”

Poštovani gospodine Jašarspahić,

na inicijativu Agencije za unapređenje stranih investicija Bosne i Hercegovine (FIPA) i Vijeća Stranih Investitora/Foreign Investors Council-a (FIC), a pod pokroviteljstvom Ministarstva vanjske trgovine i ekonomskih odnosa Bosne i Hercegovine, velika mi je čast i zadovoljstvo pozvati vas da nam budete partneri i da svojim prisustvom i podrškom uveličate projekat pod nazivom:

„GLOBAL BUSINESS EXECUTIVE RETREAT 2021”

sa naslovom: NEW ERA – DOING BUSINESS – CONNECTING GLOBALY – EAST AND WEST REBOOT

Izazovi i mogućnosti „ciljane globalizacije“ za postpandemijski svijet

U prijatnoj atmosferi, kakvu će omogućiti predstojeća konferencija, kroz zanimljive panele na kojima će učestvovati atraktivna imena iz svijeta biznisa iz zemalja Zapadne Afrike (Nigerija, Gana), Persijskog zaliva (Ujedinjeni Arapski Emirati, Bahrein, Oman), Evropske Unije (Austrija, Mađarska, Češka), Turske, Kine, Indije, te zemalja regiona, obradićemo važne teme, dotaknuti se modernih tehnologija, uspješnih priča i stvoriti mogućnosti za saradnju naših značajnih kompanija na drugim tržištima u svijetu. Pomno izabrani poticajni govornici motivisaće učesnike konferencije na akciju kroz B2B sastanke, koji će uslijediti nakon službenog dijela programa.

Teme su vrlo aktualne i primjerene u vrijeme kada su sve ekonomije suočene s izazovom transformacije u digitalnoj eri i dobu pandemije.

- POVEZIVANJE ZAPADNE AFRIKE SA REGIJOM ZAPADNOG BALKANA
- SLOBODNE ZONE
- NOVA ERA POSLOVANJA – INOVACIJE, PREDUZETNIŠTVO, DIGITALIZACIJA
- TURIZAM DANAS

Skup će okupiti 100 učesnika iz poslovnog svijeta iz više od 20 zemalja. Prilike za poslovne diskusije i umrežavanja biće omogućene kroz brojne zajedničke aktivnosti i druženja.

Global Business Executive Retreat 2021 će se održati na Jahorini u Hotelu Vučko u periodu od 1. do 4. jula 2021. godine. Predviđene su izlet ture na Jahorini, te posjete Sarajevu i Parku Ravne u Visokom.

Naša misija je značajno uticati na stvaranje pozitivne poslovne klime za strane i domaće investitore, te potaknuti stvaranje snažnih globalnih poslovnih veza i time ojačati domaću ekonomiju. Zajedno možemo detektovati atraktivne poslovne prilike, istražiti nove mogućnosti saradnje, privući investicije, plasirati prave proizvode na prava tržišta i udružiti znanja i iskustva u svrhu zajedničkog prosperiteta. Investitori žude za svježim idejama, tržište za kvalitetnim proizvodima, poslodavci za dobrim stručnjacima, kompanije za saradnjom a dobre ideje za realizacijom.

Predstojeći događaj će stvoriti okruženje u kome će se zainteresovane strane prepoznati, susresti i povezati. Jedna od tema koju ćemo detaljno obraditi je predstavljanje potencijala kompanija iz Bosne i Hercegovine i Republike Srpske. Kompanije sada ipak imaju novu priliku da dođu do partnera i tržišta u određenim regionima svijeta. U tom je pogledu posebno važno udružiti snage s partnerima i dobavljačima u zapadnoj Africi, gdje postoje potencijalno novi i atraktivni izgledi u onim industrijama kao što su poljoprivreda, infrastruktura, zdravstvo, energetika, finansije, informacione tehnologije, komunikacije i mediji i maloprodaja.

S tim u vezi, željeli bismo da vas pozovemo da uzmete aktivno učešće na panelima zajedno sa drugim međunarodnim govornicima, kao i da predstavite uspješan model razvoja i potencijale naše zemlje.

Smatramo da su svim navedenim vaša i misija **P/G K FBiH** prirodno isprepletene zbog čega vaše učešće na ovoj konferenciji smatramo izuzetno važnim i korisnim za obje strane. Ako tome dodamo kasnije međusobne kontakte i nastavak saradnje, umrežavanje, iskorištavanje poslovnih potencijala, otvaranje novih kompanija, zapošljavanje novih ljudi i uvoz znanja i poslovne kulture, možemo samo zamisliti koji značaj će ovaj poslovni skup imati na ekonomiju naših zemlja te promociju regiona kao privlačne destinacije za ulaganja.

Vjerujemo da Global Business Executive Retreat može izrasti u odličnu platformu za razmjenu najboljih poslovnih praksi, ali i za umrežavanje sa ključnim individuama sa područja Zapadnog Balkana i drugih država svijeta.

Iskreno se nadam da ćete prepoznati značaj Global Business Executive Retreat konferencije i odazvati se našem pozivu.

U nastavku vam dostavljam detalje vezane za partnerstvo.

S poštovanjem,



Sanja Miović, Izvršni direktor Vijeća stranih investitora

PONUĐA ZA PARTNERSTVO

Kroz partnerstvo ćete biti u mogućnosti da:

- ✓ Ostvarite nove kontakte sa poslovnim ljudima iz zemalja Zapadne Afrike, Persijskog zaliva, Evropske Unije, Turske, Kine, Indije i zemalja regiona.
- ✓ Uzmete aktivno učešće kao panelista/i.
- ✓ Promovišete Vaše proizvode/usluge, predstavite svoje aktuelne projekte i distribuirate promotivne materijale.
- ✓ Promovišete P/G K FBiH putem digitalnog i medijskog marketinga konferencije.

Od Vas kao naših partnera očekujemo da:

- ✓ Date svoj doprinos uspješnoj organizaciji i realizaciji konferencije kroz savjetodavnu i tehničku podršku (vezano za program, sadržaj, učesnike, paneliste, moderatore, itd.).
- ✓ Promovišete događaj putem svojih kanala komunikacije.
- ✓ Pozovete svoje članice i partnerske organizacije da uzmu učešće na konferenciji.